



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expedita Juris Divini, Natvralis, Et Ecclesiastici Moralis
Expositio**

Tamburini, Tommaso

Coloniæ Agrippinæ, 1665

An possit quis vi cessionis sibi adjudicare prædium, &c.? parag. 7.

urn:nbn:de:hbz:466:1-40132

, se, d' Censi, che d' altra maniera si faran-,
no, siano nulli, è di nessuno valore, & ef-
fetto. (notas invaliditatem contra-
ctus?) è non se posia per virtù di quelli
dimandare, ne ricuperare in Iudicio, ne
fora più che à detta regione, è rispetto.

§. VI.

*Quarta, seu ultima conditio Census in Sicilia.
ut possint apponi pacta ad arbitrium
contrahentium.*

*V*nde notabilis, & ampla est hujus clausula concessio, quia in aliis Bul-
lis multa pacta prohibentur, ut ex superioribus constat. Sed in nostro Regno possunt adjici contractui Census, ex vi iustius con-
cessione, omnia, & quæcunque pacta velint contrahentes, dummodo (ut semper supponitur) apponantur ea, quæ sunt conformia Juri naturæ, ad quæ nihil aliud requiri, nisi, ut servetur æqualitas, gravamina compen-
sentur, & pacta non sint inter se contraria,
Sup. c. 4. notavi cum Lessio a supra.

*2. Atque hinc sit, ut quando in Sicilia
apponitur pactum (& solet quidem semper)
ut si Censuanus non solvat pensionem,
possit Censuista prædium, sub quo resideret
Census, sibi adjudicare, non existimet esse
illicitum: & merito: non enim est contra
naturam contractus, quia illud nullo modo
destruit naturam Census, & ex alia parte
non videtur esse illicitum, quasi injustum
onus imponatur Venditori, quia supponimus
compensari aliunde ejusmodi gravamen, &
nunc post predictam Philippi Pragmati-
cam maximè compensari, ex eo, quod
Emptor non acquirit pensionem, nisi ad ra-
tionem quinque pro centum, ut supra vidi-
mus. Neque etiam est illicitum ex alio ca-
pice injusto, quia etiam supponimus, illud
non apponi, propter quamcunque modicam
pensionem non solutam, sed propter multas,
que possint aliqua tandem ratione attingere
dimidium valoris prædii, modo mox ex-
plicando, & supponimus etiam, ponit in pœ-
nam moderatam per Iudicis sententiam in-
hic eadem flagendam, ob culpam potestis, & nolentis
lovere centum, ut supra b. vidimus. Non
denique est illicitum ex lege positiva, quia
*Tamburinus de Sacramentis.**

jam concessit Nicolaus V. posse ponit quæ-
cunque pacta justa, &c.

His in genere prælibatis, ad aliqua scitu
necessaria de hac Adjudicatione progredia-
mur.

§. VII.

*An possit quis, vi Cessioris habita à Domine
Census sibi adjudicare, hoc est au-
ritate Iudicis sibi appropriare
prædium Censui sub-
iectum?*

*1. N*on raro, pura, quando Censuarius, id est debitor Census, sive ob paupertatem, sive propter aliu non solvit pensiones Censuistæ, id est Creditori debiras, dictas pensiones solvit alius Tertius sua pecunia, cui Testio dictus Censuista, qui est Dominus & Creditor Census, cedit totum Jus, quod ipse haberet in dictum Debitorum, & in quæcunque bona obligata, vel hypothecata suo Censi. Postquam autem ejusmodi Tertius obtinet hoc Jus, propter multis pensiones à se solutas, petit, & obtinet à Judice, ut sibi attribuantur illa bona loco Censuistæ, à quo ipse Tertius Jus habuit. Quæstio igitur est, an id validè fiat, & licet?

2. Respondeo, supposita æqualitate debiti, & valore prædii, seu boni adjudicati (de qua remox §. sequ. fuscè disputabimus.) Respondeo, inquam, validè, & licet fieri, ut ab usu pro communi in Regno videmus, approbari. Et ratio est manifesta, quia ex una parte Censuista, quando ei non solvuntur lue pensiones, habet hoc Jus adjudicandi sibi prædium, ut diximus paragr. præced. num. 2. & ex alia, idem Censuista, ut ipse Dominus talis Juri, illud cedere alteri, non prohibetur.

3. Hoc profectò facile est. Verum hinc insurgit molestissima difficultas: An scilicet, si Tertius hic, non quidem sua pecunia, sed pecunia ipsius Censuarii solvat aliquot pensiones Censuistæ: quot sufficiunt ad adjudicandum prædium, An, inquam, hic Tertius submissus, qui solet esse, vel Famulus, vel Ancilla ipsius Censuarii, vel fidelis amicus, licet possit acquirere idem Jus, & sibi bona illa v. g. prædium adjudicare, & adjudicatum donare ipsi Censuario, qui jam

Zzz

in

in posterum possidebit, quasi propter Donationem prædium idem, quod antea possidebat: & quia non est extinctus Census (cum adjudicario processerit solum ob pensiones annas, seu fructus præteritos non solutos, si bique ille submissus Censum sibi, ut loquimur, accollaverit) ideo idem Censarius possidebit etiam in posterum prædictum Censem. Et consequenter suas faciet ejusdem Censis pensiones, seu fructis eo modo, quo sibi eas fecisset Tertius. Vide artificium? Si Censarius ipse, qui est debitor, nomine suo Cennum solvisset, nisi Juris acquisivisset solutio, sed solum plenè per ipsam satisfactum fuisset Censuista. At quia solvit ille Tertius, qui debitor non erat, ideo potuit, ex Jure sibi concessio, prædium sibi adjudicare, ut pecuniam solutam recuperaret.

4. Respondeo. Nunquam mihi persuadere potui, licet, & justè fieri à sciente fraudem, ejusmodi artificioam cessionem. Primo, quia est contra Justitiam commutativam. Secundo, contra Justitiam legalem, seu bonum publicum. Tertio, contra virtutem Religionis.

5. Probatus Primum, nam tunc, Censuista, vel quicunque sit, qui per hereditatem, aut ex alio titulo est Dominus Census, & cui debentur à Censuario pensiones, tunc, inquam, Censuista nullum Jus dare ipsi Tertio valer, unde ipse Tertius nullum Jus acquirere potest. Quare, si cum illo apparente Jure sibi postea adjudicavit prædium, in justè, & invalidè ipsi Censuario rem illam donabit, & Censarius res alienam, si eam acceptaverit, possidebit in justè.

6. Quid autem Censuista nullum Jus dare valeat illi Tertio, ubi est sita tota vis argumenti, luce ipsa clarus mihi videtur, si solum animo penetretur hujus negotiationis fraus. Nam Censuista nullum Jus habet adjudicandi sibi prædium Censi subjectum, quando Censarius illi solvit ex sua pecunia pensionem, quia præsum, seu pœna Adjudicationis est adnexa non solutioni, id est, tunc habet hoc Jus adjudicandi sibi prædium Censuista, quando Censarius non solvit, cum possit, ut vidimus n. r. At in casu, de quo est sermo, jam Censarius verè, & re ipsa ex sua pecunia solvit, ergo non remanet in Censuista Jus, quod illi Tertio possit edere.

Neque dicas: Potuit Censarius mutuare, & fortasse mutuavit hanc pecuniam Tertio illi, & sic ille Tertius pecunia propria pensionem solvit; Ne id dicas, inquam, Primo, quia verè Censarius non mutuari. Id certe pater, nam pauper famulo, vel Ancilla, immo etiam homini diviti nemo mutuat sine securitate, aut pignore, aut fidejussore: quæ omnia longe absunt a casu nostro. Secundo, Profectò non nisi fictè mutuat, qui mutuat volendo, & intenden- do, sibi deinde donari fideliter prædium, & omne Jus acquisitum, vel acquirendum ex illa pecunia.

7. Confirmatur nostra doctrina, nam, quando censarius potest solvere pensionem, & non vult, nullum debet ex hac injustitia commodum reportare: at nunc potest solvere, quia jam habet pecuniam, quam numerat illi Tertio, & tamen non vult ipse solvere pensionem; ergo qua ratione reportabit illud commodum acquirendi prædium?

8. Jam quod id sit contra Justitiam legalem, probatur, quia, quando Censuista sciens fraudem, cedit per publicum Notarium illud Jus, quod, ut diximus, non habet, idque regulariter sub juramento (de quo mox) & quando deinde censarius, atque ille Tertius per publicum Judicem exigunt, & acceptant adjudicationem ex nullo Jure in conscientia procedentem, nos solum peccant contra justitiam commutativam sub restitutionis onere, ut dictum est, sed etiam contra Judicia, & officia publica, dum per publicos actus, & scripturas ad favendas, & pallandas suas fraudes utuntur Judicem, & Notariorum officiis, ergo etiam peccant contra Justitiam legalem. Nam propterea, quando Judices, & Notarii iniquum hoc stratagemma advertunt (quod facile adverteri ab iis potest), quando ille Tertius, submissus est pauper, vel, si est dives, quando appetat nil ad ipsum attinere solutionem illam) peccant mortaliter contra eandem Justitiam legalem, sicuti, quia cooperantur in justitiae commutativa, peccant item contra commutativam, & subeunt etiam ipsi restitutionis onus.

9. Dixi autem (sciens fraudem, à sciente fraudem, &c.) nam, si quis ex dictis neciat, nec sit dubium, quod fraudes illæ adhuc potest,

potest, & debet judicare non adesse, quia delictum nunquam presumendum est, & tunc (factis tamen diligentis ad veritatem noscendam) poterit is sequi doctrinam datam n. 1. & 2. quia tunc prudenter putabit, illum Tertium solvere Centum ex pecunia propria.

10. Dices. Vel loqui possumus de Censuario, qui non vult solvere immediate pensionem, nisi mediante illo Tertio, & tunc, peccare Censuarium, concedatur, quia cum habeat pecuniam, quam solvat, teneaturque ipse eam solvere, perperam agit, non solvendo, unde, & perperam Tertius, cooptando cum ipso. At Censuista videtur excusandus, quod coactus a suo interesse, id est ad suas pensiones recuperandas, cedat illi Tertio Jus suum; supponimus enim illum Tertium non solveturum, nisi ejusmodi Jus ipsi cedatur a Censuista.

11. Respondeo, non solum Censuarium, & Tertium illum, sed nec Censuistam posse per hanc tuam considerationem excusari. Ratio est, quia, ad suas pensiones recuperandas, non potest Censuista vendere id, quod non habet, sicuti non posset idem Censuista, ad recuperandam suam pensionem, vendere equum v. gr. meum illi Tertio, quia Censuista nullum Jus habet ad equum meum. Cum ergo Censuista, quando ei solvit sua pensiones ex pecunia Censuarii, nullum proflus Jus habeat, seu nullum Jus ei remaneat, quid cedere, seu vendere alteri poterit? Quoniam autem tunc solum (praeceps alio inconvenienti) posset Censuista, vel quilibet alius contractare equum meum, quando extrema necessitas illum ad hoc urget, in qua necessitate omnia sunt communia, (praeceps tamen quantum sufficit ad extremam necessitatem sublevandam) ita in casu nostro, &c. Sed quæsto te in nostro casu, quandonam tanta necessitas?

12. Deniq; Tertio, Quod praedictum artificium sit contra virtutem Religionis, probatur. Nam in eo contexendo, tempore solet intervenire Juramentum, quo Censuista Jus suum cedit illi Tertio, & quo hic Tertius donat praedium Censuatio. At qua veritate possunt ipsi jurare, se vendere, vel donare Jus, vel praedium, quod ut probavimus, suum non est.

13. Nonnulli praedicta Juris facta (ut ego merito appello) cessione utuntur ad finem excludendi alios Creditores. Exemplo rem facile intelliges: Petrus v. gr. emit praedium

subjectum tribus v. g. Censuum obligationibus, propter quas dictum praedium deber Titio v. g. anteriori decem annos aureos, alii posteriori v. g. Cajo alios decem, Sempronio denique magis posteriori decem item alios. Petrus ergo submittit aliquem fidelem hominem, cui numerat decem aureos, quos homo hic solvit Titio anteriori, sibi accepit cessionem Jurum a dicto Titio contra praedium possellum a Petro, idque continuat per multos annos, nam postquam summa soluta sufficit ad praedium sibi adjudicandum, illud sibi homo ille fidelis adjudicat (fidelis quidem homini, sed infidelis Dco) & utpote qui illud acquirit ex vi Census anterioris, excludit Cajum, & Sempronium posteriores, preterea, quod pro illis nihil remaneat fructuum dicti praedii, & praedium sic liberum a se acquisitum donat dictus homo fidelis Petro.

14. Assero, hanc negotiationem esse injustam, propter dicta in praecedentibus. Adeo, si praedium illud ab initio (ut debet presumi) erat sufficiens, & nunc est etiam fortasse sufficiens ad omnes tres pensiones solvendas, quo jure, possunt hac arte excludi Cajus, & Sempronius? Vel certè, quo jure potest ipsis difficillimam reddi solutionem suarum pensionum? Quod si pretendatur non esse sufficiens, cur non relinquatur cuiusdam Jus, experiendi, an omnes possint habere suas pensiones, vel portionem saltem aliquam in anno fortasse aliquo fertili, &c.

Per hanc occasionem querimus, quid in eo conscientia de quadam simili Cessione in favorem Censuarii?

15. Senus questionis est, An, si ipse Censuarius possessor praedii pensionem tibi Censuista solvens, requirat a te, ut ipsi cedes tuas actiones contra alios quoscunque, An, iquam, licite illerequireret, & tu cedes item licite?

16. Respondeo, esse bene distinguendum. Quando enim is fundavit Censem, seu suum praedium subjecit Censi tibi solvendo, vel (dum dictum praedium sibi adjudicavit, seu emit) sibi eidem Censem illum (ut dicimus) accollavit; hoc est solvere promisit, dico, nec justè, nec licite ipsum

posse requirere ejusmodi cessionem, nec te illi cooperari cedendo (idem dic de hereditibus, qui Antecessoris personam representant.) Ratio est, quia, si is fundavit Censum, jam habuit pecuniam correspondentem valori Census; si vero illum sibi accollavit, velemit, jam tanto minoris habuit prædium, quantum importat debere solvi talem Censem. Ergo, cum ipse sit abunde satisfactus, non potest amplius petere prædictam cessionem, sic enim acquireret Jus ad iteratam satisfactionem ex vi dictæ cessionis, nam quando fundavit, vel accollavit, vel emis sibi Censem, fuit jam, ut dixi, satisfactus: quare, si ex vi hujus cessionis posset petere eandem summam ab alio, certè esset, velle iterum satisfici.

17. Quando autem prædium prædictum tanquam nulli oneri subjectum is habuit, sive exemptione, sive dote, sive ex alio contractu oneroso, si deinde illud prædium inveniretur subjectum alicui Censi tibi solvendo, & de facto is tibi illum solveret, justè requiriет cessionem, illamque ei tu ex Justitia faceres: nam tune is habet Jus possidendi liberum, ut supponimus, & frumentum prædictum prædium unde, si pro ipso tibi aliquid solvit, justè poterit ab altero, qui Censem solveret debet, exigere. Et quidem, si bene advertis, hæc Juris cesso eadem est, vel similis, ac dicta num. 1. & 2. est enim ac si Terrius solveret tibi sua propria pecunia, quam debere ab ipso amitti, justum certè non est.

18. Dixi autem (contractu oneroso) si quidem in lucrativo, si attentè consideres, est eadem, vel similis ratio, ac si ipse Censem fundasset, vel sibi Censem accollavisset, nam propreterea justa tunc cesso non esset; Donatarius enim, ut alibi dictum est, obligatur solvere onera iei donatae sine spe recompensationis.

19. Inquires. An sicuti hic possessor, solvens ipse tibi Domino Census pensionem potest licere à te petere, & habere cessionem prædictam, quando emerat prædium frumentum, & librum, ita in eodem casu empti liberè prædii, possit supponere illum Terrium fidem amicum, cui fiat cesso modo prædicto?

20. Respondeo, nequaquam posse. Ratio est, quia possessor solvens suis pecuniis,

quas non debet, non est defraudandus Jure quo possit illas recuperare: est enim, ut modo innui, tunc ferè causus idem, qui dictus est nu. 3. At illi Tertio, cum ipse Tertius non solvat, ut hic supponimus, sua propria pecunia, cedi non debet, nec potest illum Jus. Multò magis, quia solutio facta à postiore prædii Censi subjectus, cum sit solutio pensionis debitæ Domino Censi, nullum effectum relinquunt post se contra ipsum Censem, prædiumque Censi subjectum: at, facta Tertio, valde notabilem effectum post se relinquunt: posset enim ipse Terrius jam Cessarius adjudicare sibi totum prædium, vel ejus partem, & sic recurrerent inconvenientia dicta à nu. 4.

§. VIII.

An Adjudicatio, que fieri consuevit in Regno Sictia sit justa?

Premittuntur aliqua necessaria ad questionis intelligentiam.

1. Dominus Censis Bullaris nostri Regni adjudicare, seu per Judicis tentiam appropriare sibi potest bona suo Censi subjecta, seu, ut græco vocabulo loquimur, hypothecata. Ad quod duobus procedere potest modis. Primo, iudendo Censuarium supra dimidium, quæ lœfio in hac materia vocatur enormissima. Secundo, iudendo eundem infra dimidium, quæ saltē vocatur lœfio non enormissima, nam, quando nulla est lœfio, cum omni ex parte Adjudicatio sit justa, de ea hic agendum non est. Quomodo autem intelligatur hoc (ultra, vel infra dimidium) passim docent Doctores, & breviter autem sic habet Lelius a Leff. 12. I. c.

2. In foro externo non dari ut actio ei, qui emendato carius, vel vendendo vilius, non est deceptus & auctor ultra dimidium justi pretii, v. g. si agrum tuum, c. 40. s. valens ē nunc centum libris, vendas septuaginta, Caspius vel sexaginta, vel etiam quinquaginta libris, non nisi impones intenare actionem ad rescindendam vendi. d. s. p. 17. tionem, aut resumendum pretium, quia non es. s. i. b. deceptus ultra dimidium justi pretii, i. e. au- tem, si vendidisses quadraginta octo, vel quadrageinta novem, vel minoris. Pare modo, si agrum valentem centum libris, emas centum: quinque-

6. 21. 2. 10